

Communicaziun a las medias BCG

FinanceMission – in engaschament da la Banca Chantunala Grischuna en favur da la cumpetenza finanziala

Cuira, ils 25 da matg 2016 – La Banca Chantunala Grischuna (BCG) s'engascha ensemens cun las 23 ulteriuras bancas chantunalas, l'Associaziun tettgala svizra da magistras e magisters (MCH) ed il Syndicat des enseignants romands (SER) per la promozion da la cumpetenza finanziala. Il project naziunal FinanceMission ha la finamira da sensibilisar giuvenils per ina relaziun conscienciusa cun ils daners. Plinavant vul el promover a moda persistenta la furmazion generala en connex cun las finanzas. A partir dad oz stat a disposiziun il gieu «FinanceMission Heroes» ed ulteriur material didactic accumpagnant per l'instrucziun – ina purschida scolastica innovativa.

Tenor l'Uffizi federal da statistica vivan en Svizra 27 pertschient dals giuvenils tranter 18 e 24 onns en ina chasada cun retards da pajament. Sch'ins quinta vitiers autres sorts da debits sco per exemplu surtratgas dals contos, leasing da vehichels u impegn averts visavi parents ed amis, èsi schizunt passa 50 pertschient dals giuvenils en la vegliadetgna da 18 fin 24 onns che viven en ina chasada indebitada. Giuvenils èn en general conscientis da la responsabladad en contact cun daners. Els èn dentant exposits adina pli savens a tentaziuns da consumar – p.ex. tras online shopping, cumpras InApp u pajaments digitals. Plinavant è per in giuvenil gisti il temp ch'el daventa independent e tschertga l'emprima atgna abitaziun il privel grond da surstrapatschar las atgnas finanzas. Cun far debits gia en giuvens onns crescha la ristga da crudar en ina spirala da debits durabla e problematica. Mintga terza persuna che fa en la vegliadetgna da 18 fin 25 onns l'emprima giada debits ha – sco quai ch'in studi dad Intrum Justitia mussa – era tschintg onns pli tard impegn averts. Per prevenir effectivamain a debits èsi perquai essenzial da s'occupar ad uras cun daners e consum. Pli bler savida davart finanzas e chapientscha per dumondas da budget ch'insatgi ha e pli pitschna è la probabilitad ch'el survegn problems finanzials.

Engaschament cuminaivel en favur da la cumpetenza finanziala

La Banca Chantunala Grischuna s'engascha perquai en favur da la cumpetenza finanziala da giuvenils. Ensemens cun las 23 ulteriuras bancas chantunalas, l'Associaziun tettgala svizra da magistras e magisters (MCH) ed il Syndicat des enseignants romands (SER) è ella la purtadra dal project naziunal FinanceMission. A Basilea han ins preschentà oz il project a la publicitat. Quel ha la finamira da sensibilisar giuvenils per ina relaziun conscienciusa cun ils daners. Per quel intent mett'ins a disposiziun gratuitamain material didactic adattà als plans d'instrucziun per promover la furmazion generala finanziala.

Gieu d'emprender e material didactic interessant

L'emprima purschida da FinanceMission cumpiglia il gieu d'emprender digital «FinanceMission Heroes» ed ulteriur material didactic accumpagnant. Ils scolars pon telechargiar il gieu sco app sin lur smartphone u al dar al computer. Els giogan la rolla d'in supererox e ston liberar ina citad fictiva da roboters maligns e raffants. Ins sto tscherner strategias da finanziazion adattadas per armas, disponer bain dal temp e budgetar gistemain. Uschia emprendan scolaras e scolars tgunschamain d'ir enturn a moda cumpetenta cun las finanzas. Per il

diever didactic cumpiglia «FinanceMission Heroes» material d'instrucziun accumpagnant adattà per il stgalim secundar I (giuvenils da 13 fin 16 onns). Ils moduls ed ils fecls da lavour lubeschian da sa confruntar a moda accumpagnanta cun la tematica dal gieu. Strategias tschernidas duain vegin discutadas, analisadas criticamain e transferidas sin situaziuns dal mintgadi dals giuvenils. Las scolaras ed ils scolars survegnan uschia ina nova perspectiva sin lur relaziun cun las finanzas. «FinanceMission Heroes» stat nataturalmain a disposiziun als giuvenils er ordaifer l'instrucziun ed è in gieu per il temp liber interessant e divertent.

FinanceMission: ina contribuziun a la furmaziun generala finanziala

Cun l'engaschament per FinanceMission surpiglia la Banca Chantunala Grischuna responsabladad sociala ed ella contribuescha essenzialmain a la furmaziun generala finanziala da giuvenils svizzers. La relaziun conscienciusa cun ils daners è in pass impurtant dal svilup personal ed in faktur da success ecologic da nossa societad. FinanceMission s'orientescha plinavant als princips etics definids rigurusamain: la Banca Chantunala Grischuna na prenda nagina influenza sin ils cuntegns da la purschida didactica e na nizzegia betg l'engaschament per far reclama per products u per acquirir clients.

Il material didactic ed ulteriuras infurmaziuns pon las personas d'instrucziun, geniturs ed outras personas interessadas retrair gratuitamain sut www.financemission.ch. Il gieu «FinanceMission Heroes» pon ins telechargiar directamain via www.financemissionheroes.ch ubain via «Google Play» e l'«App Store». Il gieu è dà liber da PEGI Rating a partir da 7 onns e na cuntegna naginas cumpras InApp.

Ulteriuras infurmaziuns davart l'engaschament da la Banca Chantunala Grischuna stattan a disposiziun sut gkb.ch/financemission.

Contact per collauraturrs da medias:

Banca Chantunala Grischuna, Medias & Investor Relations, Chascha postala, 7002 Cuira
Thomas Müller, thom.mueller@gkb.ch, telefon +41 81 256 83 11

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovrà per ina banca universală modernă – per personas privatas, l'economia ed il maun public. La banca occupa 1'052 collauraturrs e collauraturrs (stadi dals 31-12-2015). En il chantun Grischun cun sias numerosas vals e pliras lingus, è l'interresa representada cun 61 agenturas, la sedia principală sa chatta a Cuira. La Banca Chantunala Grischuna è participada a la Banca Privata Bellerive SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 millioni. Il scrit da participaziun BCG è quottà a la bursa dapi ils 10 da settember 1985.

Termens

Rendaquint semestrial 2016:	29 da fanadur 2016
Quint annual 2016:	10 da favrer 2017
Radunanza dals participants:	8 d'avrigl 2017